



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ԱԶԳԱՅԻՆ ՍԿԱՌԻՏԱԿԱՆ ՇԱՐԺՈՒՄ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ (ՀԿ)

ՄԻՋԵՎ

ք. Երևան

13 հուլիսի 2022 թ.

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և «Հայաստանի Ազգային Սկաուտական Շարժում» ՀԿ (այսուհետ՝ Կազմակերպություն) միջև:

Հաշվի առնելով, որ Կողմերն ընդունում են փոխադարձ համագործակցությունը և փորձի փոխանակումը,

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

Կարևորելով հաշմանդամային սպորտի, սոցիալական տուրիզմի, մարզական միջոցառումների լուսաբանման, երիտասարդների սպորտային, կրթական միջոցառումներում մասնակցության ակտիվության աստիճանի բարձրացումը,

Ընդունելով Ինստիտուտի և Կազմակերպության պատրաստակամությունը համատեղ համագործակցության համատեքստում.

Հիմք ընդունելով սույն Հուշագիրը և փոխադարձ պայմանավորվածությունները,

Որոշեցին կնքել սույն Հուշագիրը հետևյալի մասին՝

1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿԸ

1.1 Սույն Հուշագրով Ինստիտուտը և Կազմակերպությունը նախատեսում են Հայաստանի Հանրապետության օրենսդրության շրջանակներում համագործակցել Հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ

- 2.1 Ինստիտուտը և Կազմակերպությունը պատրաստակամ են պարբերաբար տեղեկացնել և համատեղ քննարկել ընդհանուր հետաքրքրություններ կայացնող հարցեր, որոնք թույլ կտան զարգացնել սպորտը և դրա տարածվածությունը երիտասարդության շրջանում.
- 2.2 Սույն Հուշագրով Ինստիտուտը և Կազմակերպությունը համագործակցում են նաև՝
- 2.2.1 Մարզական, կրթական միջոցառումների կազմակերպման և իրականացման համատեքստում փոխադարձ աջակցության միջոցով,
 - 2.2.2 Համաժողովների, սեմինարների, խորհրդակցությունների, հաշմանդամային սպորտի, սոցիալական տուրիզմի, կամավորական աշխատանքների, մարզական միջոցառումների լուսաբանման, համատեղ ճամբարների կազմակերպման միջոցով,
 - 2.2.3 Ինստիտուտի և Կազմակերպության գործունեության ոլորտներին առնչվող համապատասխան նյութերի հրատարակման գործում,
 - 2.2.4 Սույն Հուշագրի գործողության շրջանակներում Ինստիտուտի և Կազմակերպության գործառույթների կատարման համար, ըստ աշխատանքային անհրաժեշտության, մարզաբազաների, գույքի օգտագործման, համատեղ աշխատանքային խմբերի ձևավորման միջոցով,
 - 2.2.5 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով,
 - 2.2.6 Ներդրումային, նորարարական, անվանական կրթաթոշակների, դրամաշնորհային ծրագրերի համատեղ իրականացման շուրջ,
 - 2.2.7 Երկկողմանի հետաքրքրություն ներկայացնող ուսումնակրթական բնույթի ծրագրերի իրականացման շուրջ:

3. ՀԱՄԱԳՈՐԾԱԿՑՈՒԹՅԱՆ ՍԿԶԲՈՒՆՔՆԵՐԸ

- 3.1 Ինստիտուտը և Կազմակերպությունը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

4. ԵԶՐԱՓՈՒԿ ԴՐՈՒԹՆԵՐ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:

- 4.4 Յուրաքանչյուր Կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Երևան քաղաքում, 2022թ. հուլիսի 13-ին:
- 4.6 Սույն Հուշագիրը ուժի մեջ է մտնում ստորագրման պահից և գործում անժամկետ:

5" ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Ինստիտուտ


«Հայաստանի ֆիզիկական կուլտուրայի և սպորտի պետական ինստիտուտ» հիմնադրամ

ք. Երևան, Ալեք Մանուկյան 11

Ռեկտոր՝ Դավիթ Բախչադյան



ստորագրություն, Կ.Տ.




Կազմակերպություն

«Հայաստանի ազգային սկաուտական շարժում» հասարակական կազմակերպություն

ք. Երևան, Երվանդ Քոչարի 17/6

Ատենապետ՝ Սանդրա Վարդանյան



ստորագրություն, Կ.Տ.

